

आकाशवाणी

खबरां शगुफ्ता चौधरी कोला

1 राष्ट्रपति द्रौपदी मुर्मू होर स्वतंत्रता दिवस दी पूर्व संझा राष्ट्र गी संबोधित करडन।

2 सरकार नै बक्ख-बक्ख योजनाएं दी अमलावरी करने च लग्गे दे 161 कर्मियें गी स्वतंत्रता दिवस समारोह च मुख्ख परौहने दे तौरा पर साद्दा दिता ऐ।

3 केंद्रीय सेहत मंत्री जे.पी नड्डा हुंदे कन्नै मलाटी करने मगरा F.O.R.D.A. नै अपनी हड़ताल वापस लेई लैती ऐ।

4 D.R.D.O. नै भारतीय वायु सेना दे सुखोई-30 MKI लड़ाकू जहाज सवां लम्मी दूरी तगर ग्लाइड बम्ब गौरव राहें लक्ष्य पर सटीक मार करने दा सफल परीक्षण कीता।

5 पेरिस ओलंपिक च कुश्ती दी पैहलवान विनेश फोगाट दी अपील पर खेल पंचाट हून 16 अगस्त गी फैसला सनाग।

<><><><><><>

Prez. Address

राष्ट्रपति द्रौपदी मुर्मू होर 78में स्वतंत्रता दिवस दी पूर्व संझा अज्ज शर्मा 7 बजे राष्ट्र गी संबोधित करंगन। एह संबोधन आकाशवाणी दे समूलचे नेटवर्क पर

प्रसारित कीता जाग ते दूरदर्शन दे सब्बनें चैनलें पर हिंदी दे ओहदे बाद अंग्रेजी च एहदा प्रसारण कीता जाग। दूरदर्शन पर हिंदी ते अंग्रेजी च संबोधन दे प्रसारण दे बाद क्षेत्रीय चैनलें पर एहदा मकामी भाशाएं च प्रसारण होग जिसले जे आकाशवाणी पर क्षेत्रीय भाशाएं च एहदा प्रसारण रातीं साइडे 9 बजे होग। आकाशवाणी जम्मू पर बी राष्ट्रपति हुंदे संबोधन दा डोगरी च प्रसारण रातीं 9:0 बजे कीता जाग।

<><><><><><>

Special-Guests

महिला ते बाल विकास मंत्रालय दी बक्ख-बक्ख योजनाएं दी अमलावरी करने च लग्गी दी राज्यें ते केंद्र शासित प्रदेशों दे 161 कर्मियें गी नमीं दिल्ली च लाल किले पर होने आले 78में स्वतंत्रता दिवस समारोह च मुख्ख परौहने दे तौरा पर साद्दा दिता गेआ ऐ। आंगनवाड़ी, सखी वन स्टाप सेंटर, संकल्प, महिला सशक्तिकरण केंद्र, बाल कल्याण समितिं ते जिला बाल संरक्षण इकाइयें दी महिला कार्जकर्ताएं गी खास मेहमान दे तौरा पर साद्दा दिता गेआ ऐ।

<><><><><><>

Doctor-Strike

रेजीडेंट डाक्टर एसोसिएशन फेडरेशन (FORDA) नै कोलकाता च इक महिला डाक्टर दी हत्या आहली घटना गी लेइयै अपनी हड़ताल वापस लैने दा फैसला कीता ऐ। एसोसिएशन दे इक प्रतिनिधिमंडल दी नमीं दिल्ली च केंद्री सेहत मंत्री

जगत प्रकाश नड्डा हुंदे कन्नै होई दी बैठक दे मगरा एह फैसला लैता गेआ। इस घटना गी लेइयै देश भरै च डाक्टर संगारें थमां गै बरोध प्रदर्शन करा रदे हे। मगरा मीडिया कन्नै गल्लबात करदे होई एसोसिएशन दे अध्यक्ष अविरल माथुर होरें दस्सेया जे सेहत मंत्री होरें भरोसा दोआया ऐ जे उंदी मंगें दा नबेड़ा कीता जाहग। श्री माथुर होरें इब्बी दस्सेया ऐ जे उंदी सब्बनें मंगें गी मन्नी लैने दे मगरा एसोसिएशन नै अपनी हड़ताल वापस लैने दा फैसला लैता ऐ।

<><><><><><>

CBI

कलकत्ता उच्च न्यायालय नै कोलकाता दे इक अस्पताल च महिला डॉक्टर कन्नै होए दे बलात्कार ते हत्या दे मामले च सीबीआई टीम नै एफआईआर दर्ज कीती ऐ। टीम नै घटना थमां पैहले उस महिला डाक्टर कन्नै रवा'रदे चार डाक्टरें ते मामले कन्नै जुड़े दे होरनें लोकें थमां पुच्छ-गिच्छ बी कीती। कलकत्ता उच्च न्यायालय नै कल मामले दी सीबीआई जांच कराने दा आदेश जारी कीता हा।

<><><><><><>

Tiranga-Rally

स्वतंत्रता दिवस गी मनाने लेई मुख्य भरै च त्यारियां जोरें-शोरें कन्नै जारी न। जम्मू-कश्मीर दे रियासी जिले दे चनां दरेया पर बने दे दुनिया दे सब्बनें थवां उच्चे रेल पुल पर तिरंगा रैली कड्डी गई। हरियाणा दे मुखमंत्री Nayab Singh Saini होरें करनाल च तिरंगा यात्रा च हिस्सा लैता। इस यात्रा च केई सारे लोकें

सक्षम ऐ। रक्षा मंत्री राजनाथ सिंह हों सफल परीक्षण लेई डीआरडीओ, भारतीय वायु सेना ते सरबंधी उद्योग गी बदाई दिती ऐ।

<><><><><><>

Vinesh-Phogat

पेरिस ओलंपिक्स च कुश्ती दे फाइनल च अयोग्य ठहराने दे खिलाफ पैहलवान विनेश फोगाट दी अपील पर खेल पंचाट शुक्रवारें साइडे 9 बजे तग्गर अपना फैसला सनाग।

<><><><><><>

CEC-Haryana

मुख्य चुनां आयुक्त, राजीव कुमार हों चुनां आयुक्तें, ज्ञानेश कुमार ते एस.एस संधू हुंदे कन्नै हरियाणा च औंदे विधानसभा चुनाएं आस्तै चुनां तैयारियें दी समीक्षा कीती। राज्य विधानसभा दा कार्यकाल इस बरे 3 नवंबर गी समाप्त होने आहला ऐ। चंडीगढ़ दी दऊं रोजा समीक्षा यात्रा दौरान, आरयोग नै बीजेपी, आम आदमी पार्टी, कांग्रेस, सी.पी.आई, इंडियन नेशनल लोक दल ते जननायक जनता पार्टी समेत राष्ट्रीय ते राज्य राजनीतिक दलें दे प्रतिनिधियें कन्नै मलाटी कीती।

<><><><><><>

Ashwani-Vaishnav

केंद्री इलेक्ट्रनिक्स ते सूचना प्रौद्योगिकी मंत्री अश्विनी वैष्णव होरें एक पेड़ मां के नाम अभियान तैहत इक बूहटा लाया। इलेक्ट्रानिक्स ते सूचना प्रौद्योगिकी मंत्रालय दे सचिव एस. कृष्णन ते होरनें बड्डे अधिकारियें बी इस अभियान च हिस्सा लैता।

<><><><><><>

Huthi-Terrorist-Org.

यमन दी राजधानी सना च आतंकी संगठन हुथी नै संयुक्त राष्ट्र संघ मानवाधिकार परिषद दे कार्यालय च छापा मारिये कार्यालय गी जबरदस्ती बंद करवाई दिता। संगठन नै छापेमारी दौरान कार्यालय थमां बड्डी जानकारी आहली इक हार्ड डिस्क समेत होर दुई चाल्ली दा समेयान, गड्डियां ते दस्तावेज जब्त करी लेते। छापामारी दे मगरा हुथी च लड़ाको नै कर्मचारियें गी बाहर कड्डेया ते कार्यालय गी बंद करी दिता। यमन दे मानवाधिकार ते कन्नून मंत्रालय नै घटना दी पुष्टि करदे होई आखेआ ऐ जे संयुक्त राष्ट्र संघ कार्यालय पर छापेमारी यमन दे उत्तरी खेतर च कम्म करारदे अंतरराष्ट्रीय संगठनें दे बरोध च कीती गेई।

<><><><><><>

VS-Israel

अमरीका नै इजराइल गी लड़ाकू जेट ते हवा कन्नै हवा च मार करने आहली नमियें मिसाइलें समेत 20 बिलियन डालर दे थेहारें दी बिक्री दी मंजूरी देई दिती

ऐ। अमरीका दे विदेश मैहकमे नै कल एहदी घोषणा करदे होई आखेआ ऐ जे मेद ऐ जे बिक्री च 50 थमां बद्द एफ-15 लड़ाकू जहाज, मध्यम दूरी दी हवा कन्नै हवा च मार करने आहली उन्नत मिसाइलां, 120 मिमी टैंक, गोला-बरूद ते उच्च विस्फोटक मोर्टर शामिल होंगन। एह इक्क लम्मा सौदा ऐ जेदे च एफ-15 जेट जहाजें दी आपूर्ति बरे 2029 तगगर कीती जाग। अमरीका दे रक्षा मैहकमे पेंटागन नै आखेआ ऐ जे अमरीका इजराइल दी सुरक्षा आस्तै बचनबद्ध न। हाल च गै इरान च हमास दे नेता इस्माइल हानिये ते लेबनान च हिजबुल्लाह सेन्य कमांडर फवाद शुक्र दी हत्या दे मगरा पच्छिम एशिया च इक बड़े युद्ध दी शँकाएं दे बश्कार इजराइल नै अमरीका कन्नै अरबैं डालरें दा थेआर सरबन्धी सौदा कीता ऐ।

<><><><><><>

ID-Security

78में स्वतंत्रता ध्याड़े पर कुसै बी माड़ी घटना गी रोकने लेई समूलचे जम्मू क्षेत्र च सुरक्षा दे तगड़े इंतजाम कीते गेदे न। आकाशवाणी जम्मू दे संवाददाता नै खबर दिती ऐ जे प्रशासन नै आजादी आहले ध्याड़े गी रमानदारी कन्नै मनाए जाने लेई ते सुरक्षा गी यकीनी बनाए जाने गितै कोई कसर नेई छोड़ी ऐ। मुख प्रोग्राम श्रीनगर दे बखशी स्टेडियम च होग जित्थे लेफ्टिनेंट गवर्नर मनोज सिन्हा होर सलामी लैडन ते प्रोग्राम दी अध्यक्षता करडन। प्रोग्राम च जहारां बद्दे लोकें दे शामिल होने दी मेद ऐ। जम्मू च लेफ्टिनेंट गवर्नर हुंदे सलाहकार

आर.आर भटनागर होर मौलाना आजाद स्टेडियम च लग्गने आहले प्रोग्राम दी प्रधानता करंगन। सुरक्षा बलें श्रीनगर च निगरानी बदाई दिती दी ऐ। जम्मू-श्रीनगर राश्ट्रीय जरनैली शिड़का समेत बक्ख-बक्ख रस्तें पर जांच कार्रवाई चला करदी ऐ। जम्मू च प्रोग्राम आहली थाहरा दे आले-दुआले उच्ची ईमारतें पर पुलस ते सीआरपीएफ दे शार्प-शूटर तैनात कीते गेदे न। तकनीकी निगरानी बी कीती जा करदी ऐ।

<><><><><><>

LG-University

लेफ्टिनेंट गवर्नर श्री मनोज सिन्हा होरें हाल च NIRF आस्सेया जारी कीती गेदी दर्जेबंदी च जम्मू यूनिवर्सिटी, कश्मीर यूनिवर्सिटी, एन.आई.टी श्रीनगर, आई.टाई.एम जम्मू, श्री माता वैष्णो देवी यूनिवर्सिटी, शरे-कश्मीर यूनिवर्सिटी ऑफ एग्रीकल्चर टेक्नोलाजी जम्मू ते शरे-कश्मीर यूनिवर्सिटी ऑफ एग्रीकल्चर टेक्नोलाजी कश्मीर गी मुख्यै च अक्वल यूनिवर्सिटियें ते संस्थानें दी सूची च शामिल होने पर ममारखां दितियां न। लेफ्टिनेंट गवर्नर होरें एक्स पर लिखी दी इक्क पोस्ट च आखेआ जे शिक्षा मंत्रालय आस्सेया जारी कीती गेदी NIRF दर्जेबंदी च विश्वविद्यालयें दी श्रेणी च जम्मू यूनिवर्सिटी पैहली बारी 50 अक्वल यूनिवर्सिटियें च शामिल होई ऐ। उनें इस उपलब्धि लेई उप-कुलपति प्रो. उमेश राय, शिक्षकें ते गैर शिक्षक अमले गी ममारखां दितियां न। एन.आई.टी श्रीनगर ने 79मीं थार हासल कीती ऐ। श्री माता वैष्णो देवी यूनिवर्सिटी वास्तु कला च

40एं अक्वल संस्थानें च शामिल होईं गेईं ऐ। आई.आई.टी जम्मू ते आई.आई.एम जम्मू बी इंजीनियरिंग ते प्रबंधन संस्थान दी 100 अक्वल संस्थानें दी सूची च शामिल ऐ।

<><><><><><><>

NC-Visit

उत्तरी सेना दे कमांडर लेफ्टिनेंट जनरल एम.वी सुचिंद्र कुमार होरें अज्ज जम्मू-कश्मीर दे चिनाव घाटी इलाके च एल्लै चला करदी आतंक विरोधी कार्रवाइयें दा जायजा लैतां लेफ्टिनेंट जनरल कुमार होरें डोडा ते किश्तवाड़ च विद्रोहियें कन्नै निब्बड़ने सरबंधी डेल्टा फोर्स दी अगेत्री थाहरें दा दौरा लाया। उनें एल्लै चला करदे ते आने आहले प्रोग्रामें दी सुरक्षा हिफाजत गी यकीनी बनांदे होईं जोरें-शोरें कन्नै कार्रवाइ करणे लेईं आखेआ।

<><><><><><><>